

JP "Putevi i komunikacije" d.o.o. Lukavac

Nadzorni odbor

Broj: 951/25

Lukavac, 22.05.2025. godine

Na osnovu člana 257. a u vezi sa članom 303. Zakona o privrednim društvima („Sl. novine FBiH", broj: 81/15 i 75/21). člana 12. Zakona o javnim poduzećima ("Sl. novine F BiH", broj 8/05, 81/08, 22/09 i 109/12). člana 8. Zakona o ministarskim, vladinim i drugim imenovanjima u Federaciji Bosne i Hercegovine(Sl. novine F BiH", broj: 12/03, 34/03 i 65/13), člana 11. Uredbe o vršenju ovlaštenja u privrednimdruštvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona (Sl. novine Tuzlanskog kantona", broj: 11/19), a u skladu članom 56. Statuta JP " Putevi i komunikacije" d.o.o. Lukavac broj 17/21 od 17.05.2021. godine i Odluke o raspisivanju o raspisivanju Javnog konkursa za izbor i imenovanje direktora JP "Putevi i komunikacije" d.o.o. Lukavac broj: 949/25 od 13 .05.2025. godine, Nadzorni odbor Javnog preduzeća "Putevi i komunikacije" d.o.o. Lukavac na 4. (četvrtoj) redovnoj sjednici održanoj 13.05.2025. godine, raspisuje

JAVNI KONKURS

za izbor i imenovanje direktora Javnog preduzeća za upravljanje, zaštitu i održavanje javnih parkirališta i obavljanja djelatnosti od javnog interesa " Putevi i komunikacije" d.o.o. Lukavac, na mandatni period od 4 (četiri) godine.

I

Direktor je nadležan da

- a) predstavlja i zastupa Društvo prema trećim licima i odgovara za zakonitost rada i poslovanja Društva,
- b) organizuje i vodi poslove Društva,
- c) izvještava Nadzorni odbor po njegovom zahtjevu,
- d) vrši provedbu Etičkog kodeksa i Statuta,
- e) izrađuje i nadzire realizaciju planova poslovanja,
- f) izrađuje i donosi provedbene propise (Uputstvo i Pravilnik) za postupak nabavki i provedbu Zakona o javnim nabavkama Bosne i Hercegovine uz saglasnost Nadzornog odbora, te provodi odredbe propisa o nabavkama i po zaključenju ugovora o nabavci podnosi izvještaj Odboru za reviziju i Nadzornom odboru,
- g) priprema prijedlog za raspodjelu dobiti,
- h) osigurava odgovarajući prostor za rad Odjela za internu reviziju, te potpun i cjelovit uvid u svu evidenciju Društva potrebnu za obavljanje poslova,
- i) nadzire radnike u implementaciji važećih propisa i provedbenih propisa o nabavkama,
- j) obezbjeđuje distribuciju i implementaciju Etičkog kodeksa i postupanje svih odgovornih lica u skladu sa Etičkim kodeksom Društva tako što protiv lica koja krše Kodeks provodi disciplinski postupak,

- k) vrši zapošljavanje i otpuštanje radnika u skladu sa pravilnicima, poslovnica, i važećim zakonima, i u vezi s tim ima dužnosti i odgovornosti propisane članom 45. Zakona o javnim preduzećima,
- l) zaključuje ugovore u ime Društva,
- m) obavlja i druge poslove utvrđene zakonom i Statutom od značaja za nesmetano odvijanje organizacije rada i vođenja poslovanja Društva.

II

Kandidat treba da ispunjava opće i posebne uvjete, i to:

A) Opće uvjete

1. da je državljanin Bosne i Hercegovine (dokaz: uvjerenje o državljanstvu, ne starije od šest mjeseci, pri čemu se navedeni rok računa od dana izdavanja uvjerenja od strane nadežnog organa do dana predaje prijave na Javni konkurs)
2. da je osoba starija od 18 godina, a mlada od 65 godina na dan imenovanja (dokaz: Izvod iz matične knjige rođenih)
3. da nije otpušten iz državne službe, kao rezultat disciplinske mjere na bilo kojem nivou vlasti u BiH, u periodu od tri godine prije dana objavljivanja ovog konkursa (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca).
4. da se na kandidata ne odnosi član IX tačka 1. Ustava BiH (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u F BiH (Sl. novine Federacije BiH", broj: 12/03, 34/03 65/13) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
6. da nije osuđivan krivično djelo kao i privredni prijestup nespojiv sa dužnošću direktora preduzeća, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
7. da nije osoba kojoj je presudom Suda zabranjeno obavljati dužnosti iz nadležnosti direktora preduzeća (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
8. da ne obavlja dužnost, aktivnosti ili da nije na položaju koji dovodi do sukoba interesa shodno Zakonu osukobu interesa u organima vlasti u F BiH (Sl. novine F BiH", broj: 70/08) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
9. da ne podliježe ograničenjima utvrđenim u članu 252. Zakona o privrednim društvima F BiH (Sl. novine F BiH", broj: 81/15 i 75/21) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca)
10. da ima opću zdravstvenu sposobnost za obavljanje funkcije za koju se kandiduje.

B) Posebni uvjeti

(1) Kandidat treba da ispunjava posebne uvjete kako slijedi:

a) da posjeduje visoku stručnu spremu - VII stepen, odnosno visoko obrazovanje koje se vrednuje sa najmanje 240 ECTS, tehničkog ili društvenog smjera (dokaz: univerzitetska diploma o sticanju VSS, VII stepen stručne spreme odnosno visokog obrazovanja ciklusa studija koje se vrednuje sa 240 ECTS bodova ili ovjerena kopija od strane nadležnog organa),

b) da ima najmanje 5(pet) godina iskustva u struci nakon završene visoke stručne spreme (dokaz: Potvrda ili Uvjerenje poslodavca o radnom iskustvu u struci nakon završene visoke stručne spreme)

c) da je prošao odgovarajuće usavršavanje u skladu sa članom 252. stav 3. Zakona o privrednim društvima i Uredbom o usavršavanju predsjednika i članova Nadzornih odbora i Uprava privrednih društava sa učešćem državnog kapitala (Sl. novine F BiH", broj: 71/09, 33/10, 23/11, 2/12, 80/13, 60/16 i 88/17) ili da preuzima obavezu da usavršavanje obavi u roku predviđenom ovom Uredbom (dokaz: Certifikat o završenom usavršavanju izdat od nadležnog organa- Privredne/ gospodarske komore ili Uvjerenje izdato od nadležnog organa - Privredne/ Gospodarske komore da je kandidat podnio prijavu za usavršavanje članova Nadzornih odbora i Uprava privrednih društava sa učešćem državnog kapitala sa izjavom kandidata ,svojeručno potpisana, a potpis na izjavi ovjeren od strane nadležnog organa, ne starija od tri mjeseca, da preuzima obavezu da usavršavanje obavi u roku od 6 (šest) mjeseci od dana imenovanja na poziciju).

d) položen stručni ispit tehničke struke ili organa uprave (certifikat)

e) poznavanje rada na računaru (certifikat)

f) poznavanje jednog stranog jezika (certifikat)

(2) Prilikom procjene menadžmentskih znanja i iskustava za izvršenje poslovnih i operativnih potreba Društva kao posebni uvjeti uzimaju se u obzir i slijedeći kriteriji:

a) organizacijske sposobnosti i prilagodljivost timskom radu

b) sposobnost savjesnog i odgovornog obavljanja poslova, te nepristrasnog i odlučnog donošenja odluka,

c) radno iskustvo, dužina rukovodnog radnog iskustva, složenost poslova i rezultati rada ostvareni tokom prethodnog radnog angažmana.

d) odredbe Zaakona o dopunskim pravima boraca.

III

Potrebni dokumenti:

(1) Uz prijavu na javni konkurs kandidat za direktora dužan je priložiti: kraću biografiju, adresu i kontakt telefon, te odgovarajuću dokumentaciju (original ili ovjerena kopija) kojom dokazuju da ispunjavaju opće i posebne uvjete javnog konkursa.

(2) Kandidat za direktora je obavezan uz prijavu na javni konkurs podnijeti program i plan razvoja Društva u mandatnom periodu.

(3) Uvjerenje o zdravstvenoj sposobnosti - Ljekarsko uvjerenje nadlene zdravstvene ustanove kojim dokazuje opštu zdravstvenu sposobnost

(4) Uvjerenje o nekažnjavanju i uvjerenje da se protiv kandidata ne vodi krivični postupak, izdato od nadležnih organa i to ne starija od tri mjeseca.

Lični podaci o učesnicima u javnom konkursu su tajni i mogu se prikupljati i obrađivati u skladu sa Zakonom o zaštiti ličnih podataka („Sl.glasnik BiH“, broj: 49/06, 76/11 i 89/11).

IV

Nadzorni odbor prilikom provođenja konkursne procedure zadržava pravo provjere svih podataka iz izjava i drugih dokumenata kandidata.

V

Sa svim kandidatima koji ispunjavaju opšte i posebne uslove Javnog konkursa i koji blagovremeno dostave svu dokumentaciju kako je utvrđeno Javnim konkursom, biće obavljen intervju, o čemu će kandidati biti pismeno obavješteni.

VI

Ovaj Javni konkurs objavit će se u "Službenim novinama Federacije BiH", dnevnom listu „Oslobođenje“, na internet stranici Osnivača i internet stranici preduzeća .

VII

Ovaj Javni konkurs ostaje otvoren 15 (petnaest) dana računajući od dana njegovog objavljivanja u Službenim novinama FBiH.

VIII

Položaj, ovlaštenje, odgovornost i prava direktora preduzeća utvrduju se ugovorom između Nadzornog odbora i direktora preduzeća.

IX

Prijave sa traženim dokumentima treba dostaviti lično ili putem pošte na adresu:

JP "Putevi i komunikacije" d.o.o. LUKAVAC

UL, Branilaca Bosne bb

75300 LUKAVAC

sa naznakom

..PRIJAVA NA JAVNI KONKURS

ZA IZBOR I IMENOVANJE DIREKTORA

JP " PUTEVI I KOMUNIKACIJE" D.O.O. LUKAVAC - NE OTVARATI"

Na poleđini koverta je obavezno naznačiti ime i prezime, te adresu podnosioca prijave.

Neuredne, nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.



Predsjednik Nadzornog odbora

Enes Numanović, dipl. pravnik